



1918-yil
21-iyundan chiqqan
boshlagan

№3, 2022-yil 19-yanvar,
chorshanba (32.697)

Ijtimoiy-siyosiy gazeta

Barchaga g'amxo'rlik – davlatning burchi

O'zbekiston OVOZI



Улуғбек ИНОЯТОВ,
Ўзбекистон Халқ демократик
партияси Марказий Кенгаши
раиси:

— Кеча парламент кўйи палатасининг ялпи мажлисида Қонунчилик палатасининг 2021 йилдаги фаолияти сарҳисоб қилинди ва келгуси режалар белгилаб олинди.

Ўзбекистон Халқ демократик партиясининг фракцияси ўз фаолиятида мамлакатимизда кучли ижтимоий сиёсат юритилиши, эҳтиёжманд фуқаролар манфаатлари ҳимоя қилиниши, ҳуқуқлар ва имкониятлар тенглиги таъминланиши масалаларига алоҳида эътибор қаратди.

Худудларда “маҳаллабай” тартибдаги ишларнинг изчил натижалар бериши, эҳтиёжманд фуқароларнинг касб-ҳунар ўрганиши, малака ошириши, ўз ишини йўлга қўйиши тўғридан-тўғри Халқ демократик партиясининг сиёсий мақсадларига хизмат қилади. Биз бу жараённинг ичида туриб иштирок этишимиз, камчиликлар ва муаммолар ҳолатларни бартараф этиш чораларини кўришимиз зарур.

Мамлакатимизда нафақат ижтимоий-иқтисодий ислохотлар, шу билан бирга, сиёсий-ҳуқуқий ислохотлар анги даражага кўтарилмоқда. Мана, шу кунларда Президентимизнинг Тараққиёт стратегияси тўғрисидаги фармони лойиҳаси жамоатчилик томонидан қизғин кутиб олинди, атрофлича муҳокама қилинди. Мазкур ҳужжатда давлат ҳокимиятини халққа янада яқинлаштириш, сиёсий партиялар, депутатлик бирлашмаларининг таъсир кучи ва аҳамиятини ошириш бўйича муҳим ташаббуслар илгари сурилди.

Давлат халққа хизмат қилиши шарт, деган қатъий ғоя Халқ демократик партиясининг сиёсий мақсадлари билан ҳар томонлама уйғун ва ҳамоҳангдир.

Партиямиз дастурида белгиланган вазифаларни амалга ошириш учун барча ваколатлардан самарали фойдаланишга астойдил ҳаракат қиламиз.

Ўзбекистон ХДП фракцияси ва Марказий Кенгашининг қўшма мажлисида фракция фаолияти танқидий кўриб чиқилиб, 2022 йил учун вазифалар белгилаб олинди.

Биринчидан, ҳисобот даврида фракция аъзоларининг жойларда **маҳаллий Кенгаш депутатлари билан ҳамкорлиги яхши йўлга қўйилмагани** танқид қилинди ва ушбу йўналишда ишларни кучайтириш бўйича чоралар белгиланди.

Иккинчидан, мамлакатимизда **адолатли ижтимоий сиёсат юритиш** масаласи фракциянинг қонун ташаббускорлиги ва назорат-таҳлил фаолиятининг асосий йўналиши бўлади.

Учинчидан, **аҳолини ижтимоий ҳимоя қилиш миллий стратегияси** ишлаб чиқилишида фаол иштирок этишни мақсад қилганмиз. Бу масалада ижтимоий ҳимоя соҳасида ягона давлат сиёсатини олиб бориш бўйича **масъул давлат органини белгилаш** жуда муҳим, деб ҳисоблаймиз. Нимага? Мисол учун, ногиронлиги бўлган шахсларни ижтимоий ҳимоя қилиш масалалари 10 дан ортик вазирлик ва идоралар ваколатига киритилган. Лекин айтилган дамда ушбу давлат органларининг ҳеч бири мувофиқлаштирувчи вазифаларни бажармайди. Масъул орган аниқ бўлмаса, ижтимоий ҳимоя соҳасида самарадорликка эришиб бўлмайди.

Самарали ишлайдиган **ижтимоий сўғурта тизимини** яратиш лозим.

“Темир дафтар”, “Ёшлар дафтари” ва “Аёллар дафтари”га киритилган фуқаролар билан ишлашни янада такомиллаштириш масалаларига алоҳида эътибор қаратамиз.

ХАЛҚ БИЗНИ ЎЗГАРТИРАДИ



4

**ХАТТО ТАНИҚЛИ ШАХСЛАР
ҲАМ ПУЛ УЧУН, ОЗГИНА
МАБЛАҒ УЧУН ШУНДАЙ
ДОРИЛАРНИ РЕКЛАМА
ҚИЛИШЯПТИ. БАЛКИ
УЛАРНИНГ ЎЗЛАРИ БУ
ДОРИЛАРНИ ИЧИБ ҲАМ
КЎРМАГАНДИР...**

**АЙНИ ПАЙТДА УНИ
ҚАЙСИДИР ТАДБИРКОРЛАР
ҚАДОҚЛАБ, КАПСУЛАГА
СОЛИБ СЕДАНА ЁҒИ
ДЕЙСИЗМИ, МОЙИ ДЕЙСИЗМИ,
ИШЛАБ ЧИҚАРЯПТИ. АГАР
УЛАРНИНГ ҲАҚИҚАТДАН ҲАМ
ФОЙДАСИ БЎЛГАНДА, МЕН
УЛАРНИ ИЧИБ СУПЕРМЕН
БЎЛИБ КЕТАРДИМ...**

4



БҮЮК ИСТАК

5 САҲИФА



КИМ ҲАҚ?

6 САҲИФА



**УНИВЕРСАЛ
ИЖОДКОР**

8 САҲИФА

O'zbekiston



**МУРОЖААТЛАР БИЛАН ИШЛАШ
ФАОЛИЯТИ**

Фракция
аъзолари
номига
фуқаролардан
жами

2844 та

Ўзма
мурожаатлар

925 та

Электрон
мурожаатлар

1157 та

Оғзаки
мурожаатлар

762 та

Ижобий
ечим
топгани

1425 та

Тегишлилиги
бўйича мутасадди
ташкilot ва
идораларга
юборилди.

1265 та

2 САҲИФА

200 ga yaqin taklif qonunlarni ishlab chiqish hamda takomillashtirish jaraёnida inobatga olinди.

19-yanvar, chorshanba, 2022-yil.
№3 (32697)

ХАЛҚ ДЕМОКРАТИК ПАРТИЯСИ ФРАКЦИЯСИ:

ФАКТ ВА РАҚАМЛАР

Ўзбекистон Халқ демократик партияси фракцияси томонидан 2021 йилда партия электорати манфаатларини ҳимоя қилиш, сайловолди дастурида илгари сурилган ғоя ва ташаббусларни амалга ошириш, кам таъминланган, пенсияонер ва ногиронларнинг ҳуқуқларини таъминлаш ҳамда ижтимоий соҳани тартибга солувчи норматив-ҳуқуқий ҳужжатларни тақомиллаштириш бўйича тизимли ишлар амалга оширилди.

Фракциянинг қонун ижодкорлиги, назорат-таҳлил фаолияти ҳамда бошқа тадбирларни самарали ташкил этиш мақсадида 2021 йилга мўлжалланган «Чора-тадбирлар режаси» ишлаб чиқилиб, тасдиқланди.

“МАРКАЗ – ВИЛОЯТ – ТУМАН” ТИЗИМИ

Ўтган даврда ижтимоий-сиёсий, социал-иқтисодий аҳамиятга эга муҳим қонун лойиҳаларини жойларда кенг жамоатчилик иштирокида муҳокама қилиш мақсадида “марказ – вилоят – туман” тизими жорий этилди. Бунда, Олий Мажлис Қонунчилик палатасида тайёрланаётган қонун лойиҳаларини 1-ўқишдан сўнг партия қўйи бўғинларида, яъни вилоят, туман, шаҳар кенгашларида, маҳаллий Кенгашлардаги партия гуруҳларида кенг муҳокама қилиш, таништириш, қонун лойиҳасига асосли, аниқ хулоса ва таклифларни олиш йўлга қўйилган.

60 та қонун лойиҳаси жойлардаги муҳокамага юборилган

Фуқаролар томонидан билдирилган 200 га яқин таклиф қонунларни ишлаб чиқиш ҳамда тақомиллаштириш жараёнида инobatга олинди

I. ҚОНУН ИЖОДКОРЛИГИ

Ҳисобот даврида фракция аъзолари томонидан қонунчилик ташаббуси ҳуқуқи асосида 1 та қонун лойиҳаси ишлаб чиқилиб, Қонунчилик палатаси муҳокамасига киритилди ва қабул қилинди.

Шунингдек, фракция аъзолари 3 та қонун лойиҳасига ҳам ташаббускор бўлди.

Ушбу қонун лойиҳаларини ишлаб чиқишда фракция аъзолари томонидан ижтимоий ҳимояга муҳтож қатламларнинг ҳуқуқ ва манфаатларини тўлақонли ифода этишга, жойлардаги ўрганишлар давомида аниқланган муаммо ва камчиликларга ечим топишга, шунингдек, сайловчиларнинг таклиф ҳамда фикр-мулоҳазаларига алоҳида эътибор берилди.

Ўтган даврда ижтимоий-сиёсий, ижтимоий-иқтисодий аҳамиятга эга муҳим қонун лойиҳаларини жойларда кенг жамоатчилик иштирокида муҳокама қилиш мақсадида

“марказ – вилоят – туман” тизими жорий этилди. Бунда Олий Мажлис Қонунчилик палатасида тайёрланаётган қонун лойиҳаларини 1-ўқишдан сўнг партия қўйи бўғинларида, яъни вилоят, туман, шаҳар кенгашларида, маҳаллий Кенгашлардаги партия гуруҳларида кенг муҳокама қилиш, таништириш, қонун лойиҳасига асосли, аниқ хулоса ва таклифларни олиш йўлга қўйилган.

Жумладан, фракция партия билан ҳамкорликда 60 та қонун лойиҳасининг жойлардаги муҳокамасини ташкил этиб, уларда фуқаролар томонидан билдирилган 200 га яқин таклиф қонунларни ишлаб чиқиш ҳамда тақомиллаштириш жараёнида инobatга олинди.

ФРАКЦИЯ ТАШАББУСИ БИЛАН

1 та қонун лойиҳаси ишлаб чиқилиб, Қонунчилик палатаси муҳокамасига киритилди ва қабул қилинди.

3 та қонун лойиҳасига ҳам ташаббускор бўлди.

2 та «парламент эшитуви»

3 та «хукумат соати»

2 та «парламент сўрови»

II. ПАРЛАМЕНТ НАЗОРАТИ

Ҳисобот даврида фракция томонидан долзарб масалалар юзасидан мансабдор шахсларнинг ахборотини Қонунчилик палатаси мажлисларида эшитиш бўйича ташаббус билан чиқиш, шунингдек, улар фаолияти устидан таъсирчан парламент ҳамда депутатлик назоратини амалга ошириш борасида муайян ишлар амалга оширилди.

Шунга кўра, ўтган даврда фракция ташаббуси асосида қонунларнинг, турли соҳалардаги давлат дастурларининг ижроси, шунингдек, ҳудудлардаги ўрганишлар давомида аниқланган тизимли камчилик ва муаммоларни ҳал этишга қаратилган 2 та «парламент эшитуви» ҳамда 3 та «хукумат соати» ўтказилди.

Шунингдек, фракция таклифига кўра, сайловчиларни ўйлантириб келаётган муаммоларни ҳал этиш, депутатларнинг аҳоли билан ўтказиётган мулоқот ва учрашувлари давомида кўтарилган масалалар бўйича тушунтириш бериш ёки нуқтаи назарини баён этиш талаби билан давлат ва хўжалик бошқаруви органларининг мансабдор шахсларига жами 2 та парламент сўрови юборилди.

Кўриб чиқилаётган даврда фракция аъзолари томонидан сайловчиларнинг ҳуқуқлари ва қонуний манфаатларини таъминлаш борасидаги ишларга жиддий эътибор қаратилиб, жойлардаги назорат-таҳлил тадбирлари, сайлов округларидаги ўрганишлар давомида аниқланган долзарб масалалар юзасидан давлат ва хўжалик бошқаруви органлари раҳбарларига жами 97 та депутатлик сўрови юборилди.

Ҳисобот даврида жойлардаги тизимли муаммолар, қонун ва қонуности ҳужжатларнинг ижро этилиш ҳолати юзасидан тегишли мансабдор шахсларнинг ҳисоботлари фракция мажлисларида доимий тарзда эшитиб борилди. Ўтган йил давомида бу каби фракция мажлислари сони 25 тани ташкил этди.

ДЕПУТАТЛИК СЎРОВЛАРИ

2020 йил

27 та депутатлик сўрови давлат ҳокимияти ва бошқарув органларининг мансабдор шахсларига юборилган

2021 йил

97 та депутатлик сўрови давлат ҳокимияти ва бошқарув органларининг мансабдор шахсларига юборилди

ХАЛҚ БИЛАН МУЛОҚОТ

Мазкур ўрганишлар давомида 1200 маротаба фуқаролар билан тўғридан-тўғри учрашув ўтказилиб, уларда 21 000 нафар аҳоли қамраб олинди, 650 та хонадонга ташриф буюрилди ҳамда 330 та тадбиркорлик субъектлари билан ўзаро мулоқот ўтказилди.

Натижада фракция аъзолари ташаббуси билан сайлов округларидаги учрашувлар ҳамда ҳудудларда олиб борилган ўрганишлар натижаларидан келиб чиқиб, одамларни безовта қилаётган долзарб муаммолар ечимига қаратилган (5 та) қонун лойиҳаларига ташаббус билан чиқилди.

III. ХАЛҚ БИЛАН МУЛОҚОТ

Ҳисобот даврида фракциянинг жойларда аҳоли билан юзма-юз мулоқот қилиш, фуқароларни ўйлантириб келаётган тизимли муаммоларни аниқлаб, ҳал этиш чораларини кўриш, мурожаатлар билан ишлаш ҳамда қонун лойиҳаларини тақомиллаштиришда одамларнинг таклифларини кўриб чиқиш ва инobatга олишга алоҳида эътибор қаратилди.

Ўтган даврда фракция аъзолари томонидан ҳудудларга чиққан ҳолда 48 маротаба назорат-таҳлил тадбири ўтказилиб, уларда жамият ҳаёти учун муҳим бўлган қонун лойиҳаларининг ижро этилиш ҳолати, жойлардаги мавжуд тизимли муаммолар, шунингдек, ижтимоий-иқтисодий соҳаларда олиб борилаётган ислохотлар самарадорлиги атрофлича ўрганиб борилди.

Мазкур ўрганишлар давомида 1200 маротаба фуқаролар билан тўғридан-тўғри учрашув ўтказилиб, уларда 21 000 нафар аҳоли қамраб олинди, 650 та хонадонга ташриф буюрилди ҳамда 330 та тадбиркорлик субъекти раҳбар ва фаоллари билан ўзаро мулоқот ўтказилди.

Натижада фракция аъзолари ташаббуси билан сайлов округларидаги учрашувлар ҳамда ҳудудларда олиб борилган ўрганишлар натижаларидан келиб чиқиб, одамларни безовта қилаётган долзарб муаммолар ечимига қаратилган (5 та) қонун лойиҳаларига ташаббус билан чиқилди.

Шунингдек, ўтган вақтда давомида фракция аъзолари номига фуқаролардан жами 2844 та, шу жумладан 925 та ёзма, 1157 та электрон, 762 та оғзаки шаклдаги мурожаат келиб тушган бўлса, уларнинг 1425 тасига ижобий ечим топилди ҳамда 1265 та мурожаат кўриб чиқиш учун тегишлилиги бўйича мутасадди ташкилот ва идораларга юборилди.

IV. ФРАКЦИЯ ВА СИЁСІЙ ПАРТИЯ ҲАМКОРЛИГИ

Ўтган вақт давомида фракциянинг партия билан ўзаро алоқалари мутлақо янгида кўринишда йўлга қўйилиб, улар томонидан жойлардаги муаммо ва камчиликларни ҳал этишда натижадорликка эришиш, шу жумладан тадбиркорликни қўллаб-қувватлаш, ёшлар ва аёллар муаммоларига самарали ечим топишга қаратилган «Депутат маҳаллада», «Меҳр улашинг», «Эътиборимиз марказидаги ҳудуд», «Аёлларга кўмак», «Ёшларга кўмак» лойиҳалари амалга оширилди.

Шу кунга қадар ушбу лойиҳалар доирасида фракция аъзолари ҳамда партия ходимлари жойларда ташкил қилинган кичик ишчи гуруҳлар билан биргаликда 45 та ҳудудда ўрганишлар ва амалий ишлар олиб боришди.

450 минг нафардан зиёд сайловчи, шу жумладан, «Темир дафтар», «Аёллар дафтари» ва «Ёшлар дафтари»га киритилган аҳоли вакиллари ҳамда тадбиркорлар билан юзма-юз мулоқотлар ташкил этилди.

ОММАВИЙ АХБОРОТ ВОСИТАЛАРИДА ЁРИТИЛИШИ

Фракция фаолияти ҳақида ОАВда жами 6 018 маротаба

телевидениеда 368 марта

радиода 115 маротаба

матбуотда 451 марта,

интернет сайтларида 1523 марта

ижтимоий тармоқларда эса 3561 марта чиқиш қилинди

Фракция ташаббуси билан 5 маротаба “Муносабат” кўрсатуви ташкил қилинди. “Махсус репортаж” кўрсатувида 38 маротаба фракция аъзолари томонидан интервьюлар берилди.

Давлат раҳбари турса, юрамиз, бўлмаса “кел, шу ҳоким билан сен-менга бормай, у ҳам бир нимани билмаса қилмайди”, “ҳурматимизда турайлик” каби баҳоналар билан тилимизни тишлаймиз.

ЖАМИЯТ МИҚЁСИДА СИЁСИЙ ПАРТИЯЛАРГА ЭЪТИБОРНИ КУЧАЙТИРИШ ВАҚТИ КЕЛДИ

Узоқ йиллар давомида иқтисодий-нинг турли йўналишларида ишлаб келган, ҳозир халқ демократик партияси вилоят кенгашига раислик қилаётган илҳомжон атабаевни наманганликлар яхши танийди. Чунки у кўп йиллар вилоят ҳокимлигида масъул лавозимларда ишлаган. Аввалига наманган шаҳар, кейинчалик вилоят кенгаши раиси бўлган илҳомжон атабаев табиатан камгап инсон. У кўпроқ ишлари “гапириши”ни маъқул кўради.

Шундан бўлса керак, ўтган 3 йил давомида 300 га яқин муаммони бевосита ҳал қилишга эришган. Аҳоли билан мулоқот қилиш, муружаатларни ўрганиш ва уларга ечим топишни фаолиятининг асоси ҳамда ҳаётининг мазмуни, деб билади у.



Илҳомжон АТАБАЕВ,
Ўзбекистон ХДП
Наманган вилоят
кенгаши раиси.

Бизга берилган маълумотларга кўра, 52 нафар фуқаронинг иш билан таъминланишида бош-қош бўлган. 700 дан ошқ оилага моддий ёрдам ажратилишига кўмак берган. Аҳолини ташвишга солаётган масалалар бўйича 35 та депутат сўрови юборилган ва уларнинг 27 таси ижобий ҳал этилган. Шунингдек, кам даромадли, ногиронлиги бўлган шахсларга ногиронлар аравачаси, протез-ортопедия аппаратларини олиш ва соғлигини тиклашда амалий ёрдам кўрсатилган.

Вилоят партия кенгаши раиси билан суҳбатимиз чоғида у киши бир воқеани айтиб берди. Яхшиси, бунинг унинг тилидан сизларга ҳикоя қилсак...

ЭНДИ ПАНДУССИЗ БИНО ҚУРИШ МУМКИН ЭМАС

— Бир танишим автохалокат туфайли узоқ вақт ҳаракатлана олмай қолди. У кўп қаватли уйларида яшар эди. Уша вақт оралиғида унинг қанчалик қийналгани, ўз хонадонига кириб-чиқши учун бир неча кишини овора қилгани ва айнан шу сабабли ташки дунёдан узалиб, уйда ўтириб қолганини кўрдим. Танишимнинг бошдан кечирганларига кўп гувоҳ бўлдим.

Ана шунда биз у қадар эътибор қилмайдиган пандус ёки лифтларнинг ногиронлиги бўлган кишилар ҳаётидаги аҳамияти қанчалик муҳим эканини чуқур ҳис қилдим. Биринчилардан бўлиб, ўзимизнинг бинода ушбу камчиликларни бартараф этдик. Чунки бу каби кичик масалаларни ҳал этмасдан туриб, йирик иқтисодий ёки сиёсий мавзуларда сўз очишининг самарасизлигини тушуниб етдим.

Партиямиздан сайланган депутатлар ҳамда фаолларимиз билан мазкур масалани ўрганишга астойдил киришдик. Шунинг натижасида партия гуруҳи ва доимий комиссиянинг қўшма йиғилишига масала киритдик.

2021 йилнинг 29 декабрь куни вилоят Кенгашида партиямиз гуруҳи ҳамда Қонунийликни таъминлаш ва коррупцияга қарши курашиш масалалари доимий комиссияси аъзолари томонидан “Ногиронлиги бўлган шахсларга яратиб берилаётган имкониятлар: мавжуд муаммолар ва тақлифлар,

шунингдек, вилоят миқёсида ижтимоий объектларнинг пандуслар билан жиҳозланиши бўйича олиб борилган ўрганишлар” муҳокама этилди.

Депутатлар қурилиш лойиҳаларини қабул қилишда жамоат ташкилотлари вакиллари жалб этилмаётганини танқид қилишди.

Ваҳоланки, ушбу йўналишда ҳам қонунчилигимизда аниқ тартиб-қоидалар келтириб ўтилган.

Эски бинолардаги мазкур масаладаги камчиликларга кўз юмиш мумкинлиги, бироқ янги бунёд этилаётган уйларидаги эътиборсизликни кечириб бўлмагани таъкидланди. Раиснинг сўзларига кўра, қурилиш ташкилотларида Қурилиш вазирининг хати юборилган. Ҳаттоки, лойиҳа қилиниши вақтида кўзда тутилиши кераклиги ва ҳатто қанча маблағ ажратилишичага кўрсатиб ўтилган. Аммо уларнинг бундан хабари йўқ, бўлганда ҳам маблағ билан боғлиқ муаммолар бор. Натижада унинг ижроси таъминланмапти. Қурилиш учун ажратилган пулнинг қўшимча ишларга етмаслиги важдан ногиронлиги бўлган шахслар учун йўлаклар, юқорига кўтарилиш мосламалари иккинчи даражага тушиб қолаётгани афсус билан қайд этилди.

“САХОВАТ” УЙИ САҚЛАБ ҚОЛИНДИ

Ўтган йили Наманганда яна бир ишга қўл урилди. Баъзи сабаблар билан вилоятдаги “Саховат” уйи Фарғонага кўчирилди керак бўлди. Айрим қариялар ҳатто олиб кетилди ҳам. Аммо бир зурӯх нуронийлар туғилиб ўсган жойдан кетмаслигини, вафотидан кейин яқинлари билан бир жойда бўлишни истишини билдиради ва шу сабаб билан

ПАРТИЯМИЗГА МУРОЖААТ ҚИЛАДИ.

Ҳар бир кекса инсоннинг сўзини алоҳида тинглаган вилоят партия кенгаши раҳбари уларнинг илтимосини ёзма шаклда ҳокимга киритади. Ёши улӯғ кишиларнинг муурожаати ерда қолишини истамаган раҳбарлар ҳам уларнинг фикрини кўллаб-қувватлайди. Кейинчалик сақлаб қолинган “Саховат” уйига давлатимиз раҳбари ҳам ташриф буурди.

Илҳомжон Атабаевнинг сўзларига қараганда, ташрифдан кейин ҳамма яна ўз иши билан бўлиб, “Саховат” уйи бироз эътибордан четда қолди. Гап шундаки, айни пайтда 25-30 киши истиқомат қиладиган кексалар уйда одам кўпайиши эҳтимолдан ҳоли эмас. Агар шундай бўлса, улар учун ажратилган ошхона, дам олиш хонаси ва бошқа қатор масалаларда етишмовчилик кузатилади. Демак, масала муаммога айланмасдан олдин керакли чораларни кўриб қўйиш мақсадга мувофиқдир. ХДП депутатлари ушбу масалани ҳам сессияга киритишни режалаштирмоқда.

“Ҳар бир иш учун қайта ва қайта муурожаат қилишга, йўлимиз тушганда масъулларга эслатиб қўйиш учун учраб ўтишга тўғри келади. Умуман олганда, сессияга киритилган масала ташлаб қўйилса, ўз-ўзидан ечилиб қолмайди. Чунки мақсадимиз қозғоқ қоралаш эмас, одамларнинг розилиги”, деб қўшимча қилди Илҳомжон Атабаев.

ВАКИЛЛИК ОРГАНИ ВА ИЖРО ҲОКИМИЯТИ АЛОҲИДА БЎЛМАСА...

— Яна бир муҳим жиҳат борки, ўша ҳал этилса, сиёсий партиялар, депутатларни ўйлантираётган масалаларнинг кўпига ечим топилади, — дейди И.Атабаев. — Жойларда

айтиляпти, бўлади, дейляпти. Қисман кузатиляпти, лекин қачон тўлиқ амалга ошиши номаълум. Ижро ҳокимиятидан чиққан инсон сифатидаги шахсий фикрим, вакиллик органи билан ижро ҳокимияти ажратилмаса, жойлардаги муаммоларни илдизи билан йўқотиш анча мураккаб, ҳаттоки имконсиз бўлиб

олиб чиқиб, ҳал этиш чоралари кўрилмаса, у йиринглаб, катталашиб, ярага айланиши мумкин. Бунинг оқибатлари билан курашиш унданда мураккаблашади, норозиликка олиб келади.

Яна бир тарафи, ҳудудий дастурларнинг ижроси тўлиқ таъминланишида ҳам айнан ушбу ҳолат

» **ВАКИЛЛИК ОРГАНИНИНГ РАҲБАРИ ВИЛОЯТ ЁКИ ТУМАН, ШАҲАР ҲОКИМИ БЎЛИБ ТУРСА, ҲАР ҚАНДАЙ ИНСОН ҲАМ ҲАЙИҚАДИ. ҲУРМАТ ЁКИ МУНОСАБАТЛАРДАГИ НОЗИК ЖИҲАТЛАР ЮЗАСИДАН ТИЛИНИ ТИЙИШГА МАЖБУР БЎЛАДИ. ЮЗ ФОИЗ, ДЕЯ ОЛМАЙМАН, АММО АКСАРИЯТ ДЕПУТАТЛАР ГАПИРМАСЛИКНИ МАЪҚУЛ КЎРАДИ.**

қолиши мумкин. Тўғри, бу амалиётга жорий этилиши кутилаётган жараён. Истардимки, бу тезлаштирилса. Ана шунда вакиллик органининг жойлардаги иш услуби, обрўси бутунлай ўзгаради. Уларда эркин фикр айтиш имкони ва албатта, истиаги ортади.

Тасаввур қилинг, вакиллик органининг раҳбари вилоят ёки туман, шаҳар ҳокими бўлиб турса, ҳар қандай инсон ҳам ҳайиқади. Ҳурмат ёки муносабатлардаги нозик жиҳатлар юзасидан тилини тийишга мажбур бўлади. Юз фоиз, дея олмайман, аммо аксарият депутатлар гапирмаслики маъқул кўради. Узоқ йиллик тажрибага эга халқ вакиллари бирор аниқ фикр, таклиф айтмаса, бошқалар жим ўтириш йўлини танлайди.

Туман ёки шаҳар Кенгашлари сессияларида депутатлар анча дадил. Баъзида сессияга бошчилик қиламан. Ана шунда партиямиз ҳамда ҳокимлик манфаатлари йўлида вазиятдан фойдаланаман ва бу табиий ҳол. Кенгаш раиси ҳокимдан алоҳида бўлиб ажралиб чиқиши вақти аллақачон етиб келди.

Тўғри, 2017 йилда Президентимизнинг депутатлар билан ўтказган учрашуви ишимиз жонланишида анча туртки бўлди. Лекин бу ёғини олиб кетишга ҳали ҳам қийналаётганимиз бор гап. Давлат раҳбари турса, юрамиз, бўлмаса “кел, шу ҳоким билан сен-менга бормай, у ҳам бир нимани билмаса қилмайди”, “ҳурматимизда турайлик” каби баҳоналар билан тилимизни тишлаймиз. Кимдир туртиб, қўллаб турмаса, ҳаракатлана олмаслик дажарасига келиб қолишининг оқибати эса аянчлидир. Аслида халқ вакили сифатида уларнинг ичидидаги масалаларни масъулларга

монелик қилмоқда. Бундан ташқари, иккаласининг алоҳида бўлиши ижтимоий-иқтисодий ривожланиш, коррупцияга қарши курашиш каби масалаларда ҳам муҳим қадам бўлади, деб ҳисоблайман.

Тан олиш керакки, шаҳар ва туманларда депутатлар анча дадил. Сессияларда ҳам очик-ойдин гапириш, ечимини кутаётган масалалар юзасидан таклиф ва мулоҳазалар билдириш анча жонланган. Бироқ вилоятда жим-жит. Шарт туриб, ўз қарашларини баён қилишдан чўчийдиганлар, фикрини нотўғри айтиб қўйишдан андиша қиладиганлар, “хато қилиб қўймай, тинчроқ ўтирай” дейдиганлар, сессиядан кейин эса “бундай таклифим бор эди”, “мана бу гапни айтмоқчи эдим”, деганлар ҳам кўп. Яъни, депутатлик манёврлари, тажрибасига эга эмаслиги, сўз бойлиги камлиги ҳам панд бериши мумкин. Натижада ишлайдиган депутатнинг ҳам номи чиқмай, сояда қолиб кетаверади.

ДИКТОФОНГА АЙТИЛМАГАН ГАПЛАР

Раиснинг сўзларига қараганда, моддий манфаатдорлик ҳам муҳим саналади. Бирор бир ютуққа эришиш учун қобилият билан бирга имкониятлар ҳам талаб этилади.

Сиёсий партияларнинг иши жадаллашиши, уларнинг гоё ва мақсадлари ҳаётда ўз тасдиғини топишида ҳам моддий манфаатдорлик зарур. Яхши кадр шунга яраша ойлик талаб қилади. Истаклар, орзу-мақсадларни амалга оширишга маблағ етарли бўлмаслиги йўқотишларга олиб келади. Суҳбатдошимизнинг жамият миқёсида сиёсий партияларнинг ҳолатини яхшилаш, уларни ривожлантириш чораларини кўриш вақти келмадимикин, деган гаплари бизни ҳам ўйга толдирди.

Зилола УБАЙДУЛЛАЕВА,
“Ўзбекистон овози” муҳбири.

ЎЗБЕКИСТОН ХДП НАМАНГАН ВИЛОЯТ КЕНГАШИ 2021 ЙИЛДА:

Сайловолди дастурига кўра,

- ✓ 6 та лойиҳа ва 4 та акция, 1000 га яқин давра суҳбати ва тадбир ташкил этилди.
- ✓ Тарғибот ишларига 627 минг фуқаро қамраб олинди.
- ✓ 1203 та манзилли йўқлов, 24 та меҳнат ярмаркаси амалга оширилди.

ПАРТИЯ КЎМАГИ БИЛАН

- ✓ 413 нафар хотин-қиз доимий, 822 нафар ёшлар доимий ва мавсумий ишга жалб қилинди.
- ✓ 52 нафар ёшлар, 214 нафар хотин-қиз оилавий тадбиркорлигини бошлади.
- ✓ 590 нафар хотин-қиз қайта касб-хунарга ўқитилди, 35 нафарининг уй-жойи таъмирлаб берилди. 3 нафари уй-жой билан таъминланди.

“ДЕПУТАТ МАҲАЛЛАДА” ЛОЙИҲАСИ ДОИРАСИДА

- ✓ 322 та масала ўрганилиб, ижобий ҳал этишга эришилди.

ЖАМОАТЧИЛИК ҚАБУЛХОНАСИГА

- ✓ 845 та муурожаат келиб тушди.
- ✓ 76% ижобий ҳал этилди.

ХАЛҚ ДЕПУТАТЛАРИ КЕНГАШЛАРИДА

- ✓ 66 масала партия гуруҳларида
- ✓ 43 масала доимий комиссияларда
- ✓ 66 масала сессияларда муҳокама этилди.

МАНСАБДОР ШАХСЛАРНИНГ ҲИСОБОТЛАРИ

- ✓ 51 марта эшитилди.

ДЕПУТАТЛИК СЎРОВИ

- ✓ 481 марта юборилди.
- ✓ 302 таси ижобий ҳал этилди.

Хар бир инсон ишласам, даромад топсам,
рўзгоримни бутласам, дейди.

19-yanvar, chorshanba, 2022-yil.
№3 (32697)

БҮЮЮК ИСТАК

КАСБ-ХУНАРЛИ, ИШЛИ ОДАМНИНГ ДАРОМАДИ ТАЙИН, РЎЗГОРИ БУТ, ОИЛАСИ ХОТИРЖАМ. АММО ҲАММАНИНГ ҲАМ БУНГА ИМКОНИАТИ ЙЎҚ. НОГИРОНЛИГИ БОР ШАХСЛАР ШУНДАЙ МЕХНАТ ҚИЛИШНИ ИСТАШАДИ, АММО УЛАРГА ҲАР ДОИМ ҲАМ ИШ БЕРИШНИ ИСТАШМАЙДИ. НЕГАДИР ТАДБИРКОРЛАР, КОРХОНА ЭГАЛАРИ БУНДАЙ ХОДИМЛАРДАН ҚОЧИШАДИ. ШУ БОИС ОРАМИЗДА, АТРОФИМИЗДА ИШ ИЗЛАБ ЮРГАН, КЎПЛАБ КОРХОНА-ТАШКИЛОТЛАРГА МУРОЖААТ ҚИЛИБ ОВОРА БЎЛИБ ЮРГАН БУ КАБИ ОДАМЛАР ТАЛАЙГИНА.

Вазирлар Маҳкамасининг "Ногиронлиги бўлган шахсларнинг бандлигида кўмаклашишни рағбатлантиришга оид чора-тадбирларни амалга ошириш тартиби тўғрисида"ги қарор лойиҳасида Бандликка кўмаклашиш давлат жамғармаси маблағлари ҳисобидан ногиронлиги бўлган шахсларни ишга қабул қилган иш берувчиларга (бюджет ташкилотлари, давлат корхоналари, устас жамғармаси (капитали)да давлат улуши 50 фоиз ва ундан ортиқ бўлган юридик

шахслар бундан мустасно) – ҳар бир ходим учун 6 ой давомида ҳар ойда базавий ҳисоблаш миқдорининг 1,5 баравари миқдориди субсидия берилиши белгиланмоқда.

Бундан албатта, Ўзбекистон Халқ демократик партияси электорати бўлган ногиронлиги бор бўлган шахслар ҳам, тадбиркорлар ҳам манфаат кўради. Бу аҳолининг ижтимоий қўллаб-қувватлашга эҳтиёманд қатлами турмуш шароитларини янада яхшилаш имконини беради.



Дилшодбек МАМАДАЛИЕВ,
Қўрғонтепа туман кўзи ожизлар жамиятига қарашли маданият маркази тўғрақ раҳбари:

– Анча йиллардан буён болаларга қўшиқчиликни ўргатаман. Эрталаб аёлим ишга кузатиб қўяди. Ўзи ҳам болалар боғчасида фаолият юритади. Иккиламиз биргаликда рўзгор тебратамиз, қизимизни тарбия қиламиз. Кўзларим кўрмаса-да, болаларни қалбан ҳис қиламан. Уларга нафақат қўшиқ айтиш, балки ҳаётни севишни, кадрлашни ўргатаман. Болаларнинг беғубор овозлари билан ўзимнинг ҳаётимга ҳам мазмун, ёруғлик киргандек бўлади. Ҳар тонг уйғониб ишга отланар эканман, мени кутаётган жажжи қалбларга керакдиганга шукр қиламан.

Баъзан ногиронлиги бор шахслар иш топишга қийналишади. Ишлашга лаёқати бўлса-да кўпчилик корхона ва ташкилотлар уларни ишга олишни истамайди. Бу эса уларнинг жамиятдан ажралиб қолишлари, ҳаётда бемақсад ва боқиманда қайфият билан яшашларига сабаб бўлади. Мен истардимки, ногиронлиги бор шахслар ҳам жамиятнинг бошқа аъзолари каби ўзларига муносиб иш топиб фаолият юритса, оила аъзоларига нафи тегса...

Ногиронлиги бор фуқароларни ишга олган тадбиркорларга субсидия бериш ҳақидаги масалани ўз ичига олган қарор лойиҳасидаги тақлифларнинг ҳаётга татбиқ этилиши мана шу имкониятни янада кенгайтиради, деб ўйлайман. Негаки, тўғриси айтсак, бизга ўхшаган имконияти чекланган фуқаролар кўпинча ўзимизга тегишли жамиятлар, марказларда ишлаймиз ва ўз-ўзидан маълумки, бундай жойларда иш ўринлари чекланган. Агар хусусий ташкилотлар, ишлаб чиқариш корхоналарига бундай кишиларни ишга олганлари учун рағбат берилса, ҳам уларга, ҳам бизга айна мудоа бўлади.

✓ **Тадбиркорларга субсидия ажратилиши уларнинг иш фаолиятини бироз бўлса-да кенгайтириб олишга, иш топишда қийналаётган фуқароларга эътибор қаратишларига яна бир туртки бўлади. Фақат бир нарсани инobatга олиш керак. Аввало иш берувчида уларга муносиб иш бўлиши керак. Ва, албатта, шарт-шароит.**

Азизбек АХАТОВ,
Навоий вилояти:

– Ўтган йили февраль ойидан Навоий шаҳридаги музлатгич ишлаб чиқариш хусусий корхонасида иш бошладим. Вазифам маҳсулотларни қадоқлашдан иборат. Ишимни яхши кўраман. Сидқидилдан ишлашга ҳаракат қиламан. Жамоадошларим жуда аҳил, меҳрибон. Ишга боролмай қолган кунларим ҳол-аҳвол сўраб кўнғироқ қилишади. 2021 йилда нафақат иш жойимга эга бўлдим, балки кичик ватанли ҳам бўлдим. Президентимиз қарори билан Меҳрибонлик уйи битирувчиларига уй ажратилди. Менга ҳам шулардан бири насиб этди.

Ўзимни яхши инсонлар сафидаман, деб айта оламан. Тўғри, бизнинг ҳаёт қайсидир жисмоний имкониятдан чекланган. Лекин ишлаш имкониятига, бировнинг қўлига қарамасдан оиламни боқишга

қурбим етганига шукр қиламан. Корхонамиз раҳбаридан ҳам миннатдорман. Менга ишонч билдириб вазифа топширгани, шу ердан ризқимни топиб маош олиб, оила боқаётганимдан хурсандман. Мен каби ёшлар, ишлашни хоҳловчиларга тадбиркорлар, корхона эгалари кўп-кўп иш беришларини истаётман. Чунки уларнинг ҳам оилалари бор, улар ҳам жамиятнинг тенг ҳуқуқли фуқаролари. Қарор лойиҳасидан хабар топганимда биринчи галда шу фикрлар хаёлимдан ўтди. Унинг амалда қўлланилиши албатта, менинг ана шу истақларимни рўёбга чиқаради, деб ўйлайман. Келгусида ўз ишимни очиб, тадбиркорлик фаолиятимни йўлга қўйиб, мана шундай имкониятлардан фойдаланган ҳолда ногиронлиги бор шахсларни қўллаб-қувватлашга ўз хиссамни қўшаман.



Саломат КАМИЛОВА,
халқ депутатлари Қарши шаҳар Кенгаши депутати,
"Қаршимебель" МЧЖ раҳбари:

– 50 йилдан тадбиркорлик шу соҳасида фаолият юритаман. Дастлаб 9 нафар ишчи фаолият бошлаган фабрикада бугунги кунга келиб 50 нафаргача ишчи-хизматчи ва мутахассис ишлаб келмоқда. "Қаршимебель" МЧЖ корхона сифатида Қашқадарё вилоятида мебелсозлик саноатига асос солинган дастлабки ишлаб чиқариш корхонаси бўлиб, ташкилот ва офислар, соғлиқни сақлаш тизими, ўқув масканлари, мактабгача таълим муассасаларини сифатли ҳамда замонавий мебеллар билан таъминлаб келмоқда.

Фаолиятим давомида кўплаб ногиронлиги бор шахсларни ишга олганман. Уларга шароит қилиб беришга, имкониятларига яраша иш беришга ҳаракат қиламан. Боиси уларни ишга олишнинг ўзи катта бир жавобгарлик, масъулият. Ногиронлиги бор шахсларни ишга олган тадбиркорларга субсидиялар ажратилиши жуда яхши, айна пайтда муҳим. Уларни ҳам ту-

шуниш керак. Уларга эркин ишлаш оладиган, вазифасини пухта уддалайдиган ходимлар зарур. Албатта, ногиронлиги бор шахслар ҳам имкон қадар курашишади, интилишади. Тадбиркорларга субсидия ажратилиши уларнинг иш фаолиятини бироз бўлса-да кенгайтириб олишга, иш топишда қийналаётган фуқароларга эътибор қаратишларига яна бир туртки бўлади. Фақат бир нарсани инobatга олиш керак. Аввало иш берувчида уларга муносиб иш бўлиши керак. Ва, албатта, шарт-шароит. Айримлари аравачада, айримларининг кўзи ожиз, бирисининг қўллариди муаммо бўлса, бошқаси муомала лаёқатидан бебаҳра. Тадбиркор эса шуларни инobatга олган ҳолда иш тақсимлаши, корхонадаги шароитларни уларга мослаштириши керак бўлади.

Менга кўпроқ Меҳрибонлик уйи тарбияланувчилари иш сўраб мурожаат қилишади. Қўлимдан келганча уларга ёрдам беришга ҳаракат қиламан. Ота-онасизлар, ёрдамга муҳтожларга кўмаклашиш аслида ҳар биримизнинг вазифамиз, халқимизга хос фазилат.

» **ЎЗИМНИ ЯХШИ ИНСОНЛАР САФИДАМАН, ДЕБ АЙТА ОЛАМАН. ТЎҒРИ, БИЗНИНГ ҲАЁТ ҚАЙСИДИР ЖИСМОНИЙ ИМКОНИАТДАН ЧЕКЛАГАНДИР. ЛЕКИН ИШЛАШ ИМКОНИАТИГА, БИРОВНИНГ ҚЎЛИГА ҚАРАМАСДАН ОИЛАМНИ БОҚИШГА ҚУРБИМ ЕТГАНИГА ШУКР ҚИЛАМАН. КОРХОНАМИЗ РАҲБАРИДАН ҲАМ МИННАТДОРМАН.**



Коммуна ШЕРМАТОВА,
халқ депутатлари Чиноз туман Кенгаши депутати,
"Мумтозбеим" ўқув маркази раҳбари:

– Ҳар бир инсон ишласам, даромад топсам, рўзгоримни бутласам, дейди. Соғлом инсонлар-ку ҳаракат қилса, интилса бунга эришади. Аммо ногиронлиги бор шахсларда бу жараён бироз қийинчилик туғдириши мумкин. Тадбиркор, иш берувчиларнинг ҳаммаси ҳам уларни ишга олишга хоҳиш билдиравермайди. Сабаби

уларга иш унумдорлигини оширадиган, кўпроқ даромад келтирадиган ходимлар керак, албатта. Ногиронлиги бор шахсларга эса бу борада ишонч билдиришолмайди. Биз уларга имкон беришимиз керак. Ахир ногиронлиги бор шахсларнинг ҳам меҳнат қилишга, ишлашга ҳақлари, ҳуқуқлари бор.

Ўзим уларга қандай ёрдам қила оламан? Ўқув марказимизда биз уларни бепул ўқитамиз. Ўзим маҳаллама-маҳалла, уйма-уй юриб, ишлашга, ўқишга хоҳиши бор, аммо имконияти йўқларни рўйхатга оламан. Ёлғиз оналар, ногиронлиги бор хотин-қизларни ўқув марказимизга жалб қилган ҳолда уларга касб-хунар ўргатамиз, мустақил иш қилишни хоҳловчиларга кредит олишларига кўмаклашамиз. Яқинда тикувчилик йўналишида курсни тамомлаган "Эшонобод" маҳалласида яшовчи 2-гурӯх ногирони Хусниябону Норматовага ўқув марказимиз томонидан диплом ҳамда совга-саломлар берилди.

Ўқув марказимда Сайёра исмли ёлғиз она ҳам ишлайди. У ногиронлик нафақаси олмайди, тортинади, уялади. Аммо ўз иши-

нинг устаси. Ўқувчиларга сартарошлиқдан сабоқ беради, бу касбнинг сир-асрорини ўргатади. Жамиятимизда, атрофимизда бундай инсонлар жуда кўп. Аммо биз уларга эътибор қилмаймиз, ишонмаймиз. Биргина имконият, қўллаб-қувватлаш уларга катта совга бўлишини унутмаслигимиз лозим. Вазирлар Маҳкамасининг ногиронлиги бор шахсларни ишга қабул қилган тадбиркорларга имтиёз берилиши ҳақидаги қарор лойиҳаси ана шу мақсадларни мужассам этганлиги билан эътиборимни тортиди. Албатта, бу мен учун ҳам фойдали, буни хушхабар, ва ўз навбатида яна бир масъулият сифатида қабул қилдим. Ҳар бир ногиронлиги бор ходим учун 6 ой давомида бериладиган субсидия албатта, бизга ҳам катта кўмак ва рағбат.

Мен яна туман хотин-қизлар тадбиркорлик маркази раҳбари ҳамман. Марказ ўз навбатида хотин-қизларга кўмаклашади, уларни касб-хунарга ўқитади. Биз кимнингдир ҳаётини изга солишдан, уларни яхши турмуш сари қадам ташлашларига ёрдам беришдан мамнунмиз.

учун катта имтиёз бўлади. Ногиронлиги бўлган шахсларни ишга қабул қилган иш берувчиларга субсидия берилиши албатта, уларни ишга олувчилар кўпайишига имкон яратади. Бу эса ўз навбатида кўплаб эҳтиёмандларнинг том маънода ҳаётга қайтиши, рўзгориغا барака кириши, турмуши янада яхши бўлишига хизмат қилади. Мен ҳам меҳнат қилишга лаёқатли ногиронларни ишга олишга доим тайёрман. Менинг тақдирим уларга нафақа бериш тартибини ҳам қонуний тарафдан яна бир кўриб чиқиш керак. Зеро, бу тартиб уларнинг ишлашларига халал бермасин.

Гулрӯх ОДАШБОВА,
"Ўзбекистон овози" муҳбири.



Қосим БЕКБОСИНОВ,
Нукус шаҳар, II-гурӯх ногирони:

– Бундан 20 йил илгари «Қайыроқом» ташкилотини очиб, ногиронлиги бўлган инсонларни иш билан таъминлаган эдим. Аммо солиқ идоралари тарафидан тўлиқ нафақа пулини ташкилот томонидан таъминланиши керак бўлганлиги боис, ишни тўхта-тишга мажбур бўлдим. Кейин 2004 йилда «Бекбосинов Қасым» яқка тадбиркорлик ишини йўлга қўйдим. Фаолиятимиз аҳолига маиший хизмат кўрсатишга қаратилган. Вазирлар Маҳкамаси қарори лойиҳасидаги ғоялар, тақдирлар амалга ошса, мен сингари ногиронлар ва тадбиркорлар

Тошкентда майдони 40 квадрат метр бўлган дўкон 2 миллион сўмга баҳоланган.

19-yanvar, chorshanba, 2022-yil.
№3 (32697)СОЛИҚДАГИ ЎЗГАРИШЛАР:
КИМ ҲАҚ?

2021 декабрь ойи якунланаётганда "Солиқ кодексига ўзгартиш ва қўшимчалар киритиш тўғрисида"ги қонун қабул қилинди. Ўзгаришларга кўра, 2022 йилда юридик шахслар учун мол-мулк солиғи 2 фоиздан 1,5 фоизга камайтирилди. Шу билан бирга, мол-мулк солиғини ҳисоблаб чиқишда бино ва иншоотлар бўйича солиқ базаси бу объектларга 1 квадрат метр учун мутлақ миқдорда белгиланган минимал қийматдан паст бўлиши мумкин эмаслиги бўйича янги тартиб ҳам киритилди. Бу кўрсаткич Тошкент шаҳрида 2,5 миллион сўм, Нукус ва вилоятлар марказларида 1,5 миллион сўм ҳамда бошқа шаҳарлар ва қишлоқ жойларда 1 миллион сўм этиб белгиланган. Ушбу ҳолат ва бошқа янгиликлар кенг муҳокамаларга сабаб бўлди. Хусусан, юридик шахслар учун мол-мулк солиғи миқдорининг ошиб кетгани, натижада, айниқса, кичик бизнес зарар кўриши борасида кўплаб фикр-мулоҳазалар билдирилди.

Душанба куни Давлат солиқ қўмитаси раиси Шерзод Қудбиев солиқ маъмурчилигидаги сўнги янгиликларга бағишланган матбуот анжумани ўтказди.

– Бу анжумани ўтказишдан мақсади-миз, аҳолига солиқ маъмурчилигида бўлган ўзгаришларни оммавий ахборот воситалари орқали баҳоли қудрат яна бир бор тушунтиришдир, – деб гап бошлади қўмита раиси. – Бундай дейишимнинг боиси, худди шу залда мамлакатимизда ўз ўрни ва нуфузига эга тадбиркорлар ҳамда йирик саноат корхоналари ҳамда идораларнинг бухгалтерлари билан учрашиб маъмурчиликдаги ўзгаришлар, яъни е-іјага ва е-актив автоматлаштирилган ахборот тизими ҳақида маълумот берган эдик.

Шунингдек, ушбу автоматлаштирилган ахборот тизими солиқ тўловчиларга мураккаблик эмас, балки қулайлик яратётганини мисоллар орқали кўрсатиб ўтдик. Мисол учун, е-іјага тизими орқали тадбиркорларимизни қонунчиликка риоя қилган ҳолда мол-мулкларини реал бозор баҳосида баҳолаётгани-йўқми, шунга қўйиш имконияти яратилди.

Мисол учун, битта ҳудудда бир-бирига ўхшаш субъектларни топишга ҳаракат қилдик. Жиззах шаҳрида 861 квадрат метр майдонга эга мулкнинг қиймати 1,99 миллион сўм кўрсатилган. Худди шундай Жиззах шаҳрида, юқоридаги бинодан кўриниши хунуқроқ бўлган 880 метр квадрат майдонга эга мулкнинг қиймати эса 1,7 миллиард сўм. Иккаласи ҳам тадбиркор. Қайси тадбиркорнинг манфаатини ҳимоя қилишимиз керак? Юқоридаги мисолда биринчи тадбиркор 2021 йилда 39,8 минг сўм солиқ тўлаган. Иккинчиси эса 2 фоизлик ставкада 34,52 миллион сўм солиқ тўлаган. Шунинг учун, Молия вазирлиги тақлифига кўра, мол-мулк солиғи ставкаси 1,5 фоизга пасайтирилган. Чунки ҳалол ишлаган тадбиркорга солиқ юки камайиши керак. Шунинг учун юқоридаги иккинчи тадбиркор 2021 йилдагига қараганда 8 миллион сўм камроқ солиқ тўлайди. Лекин мулкни тўғри баҳоламаган тадбиркорга, албатта, солиқ юки ошяпти. Бу — тўғри. Чунки минимал қиймат киритилди.

Шунингдек, яна бир мисолни, яъни Тошкент шаҳридаги ҳолатни айтмоқчи эдим. Тошкентда майдони 40 квадрат метр бўлган дўкон 2 миллион сўмга баҳоланган. Ундан узоқ бўлмаган жойдаги майдони 31 квадрат метр бўлган мулк эса 168 миллион сўмга. Пойтахтда 40 квадрат метр жойнинг 2 миллион сўм туришига ишонадими кимдир? Бу тадбиркор шу 2 миллион ҳисобида солиқ тўлаши керак. Шундай экан, бу дўкондан унчалик узоқда жойлашмаган 31 квадрат метр мулк 168 миллион сўмга баҳоланган. Бунинг айби давлат чиқарган қонунчиликка амал қилганими? Бир сўз билан айтганда, ушбу тизим тадбиркорларни ҳалол ишлашига кўмакчилик вазифасини бажаради.

Маълумотларга кўра, янги тартиблар жорий этилгандан сўнг 21 мингдан ортиқ субъектларда мол-мулк солиғи камаймоқда. 40 мингдан ортиқ тадбиркорлик субъектида эса кўпаймоқда. 7 миң субъектда ўзгаришиз қолмоқда. 5 минта солиқ тўловчиси мулкни "ноль" кўрсатиб келмоқда.

Ўрни келганда яна шунга айтиш мумкин, айрим вилоятларда солиқ юки бир неча баравар ошиб кетяпти, деб ваз келтиришяпти. Биздаги прогнозга кўра, 2022 йилда солиқ тушумлари 2021 йилга нисбатан 33 фоизга ошиши режа қилинди (2,1 триллион сўм миқдорда). Энди олдинги йилга қарасак, 2021 йилда 2020 йилга нисбатан солиқдан тушумлар 30 фоизга оширилган.

Энди е-актив платформаси нега жорий қилинаётгани ҳақида ҳам қисман тўхталиб ўтсам.

– Корхоналардаги маҳсулотлар ҳаракатини кузатиб бориш ва қора схемаларга қарши курашиш учун е-актив платформаси жорий қилинди. Ушбу платформа жорий қилинишидан асосий мақсад маҳсулотлар ҳаракатини кузатиб бориш. Масалан, ручка сотиб олиб, сув сотиш мумкин эмас-ку. Мана шу ҳолатларнинг олдини олиш учун ҳам е-актив қилинган. Агар сиз печенье ишлаб чиқарсангиз ва ун сотиб олсангиз, биз бунга аралашаётганимиз йўқ. Бирор



бўлганлар ҳам, белгиланганидек, 1 фоизлик тўловлар тўлайди, – деди Ш.Қудбиев.

– **Мол-мулк солиғи оширилиши маҳсулотларнинг нархи кўтарилишига таъсир қилмайди?**

– Ўзбекистонда мол-мулк солиғи оширилиши ҳалол ишлаб келаётган тадбиркорларга фойда бўлади. Аниқроқ айтиш бўлсам, аксарият кичик корхоналар йиллар давомида мол-мулкни қайта баҳоламай келганлиги натижасида кўчмас мулкнинг қолдиқ қиймати «паст» ёки «нол» бўлганлиги, шу боис, минимал қиймат асосида солиқ ҳисобланганда ушбу объектлар учун солиқ юки ортиши кузатилмоқда. Бир сўз билан айтганда, мол-мулк солиғининг 2 фоиздан 1,5 фоизга туширилиши ҳалол ишлаб келган тадбиркорлар манфаати учун хизмат қилади ва нархларга умуман таъсир қилмайди.

Ушбу матбуот анжуманидан шундай хулосага келиш мумкин, бу ўзгаришлар солиқ тўловчиларга қулайлик яратётганини қўмита раиси мисоллар билан тушунтириб берди. Аммо, ижтимоий тармоқ фойдаланувчилари, айрим мутахассислар яъни, бухгалтерлар бундай фикрларни инкор этмоқда...

– **"Facebook"да "Uzreport" телеканал орқали намойиш этилган матбуот анжуманини кузатган фойдаланувчилар кўйидагича изоҳлар қолдирган:**

Жасурбек Султонов:

– Журналистлар яхши ниятда бўлганини биласиз. Тадбир сценарий бўйича олиб борилди. Солиқ қўмитаси мард бўлса, катта корхоналар ёки журналистлар билан эмас, балки кичик ва ўрта бизнес вакиллари билан учрашсин.

Ильмира Шамсутдинова:

– Янги тизим бўйича мол-мулк солиғим 4 бараварга кўпайди. Қанақа қилиб нархга таъсир қилмасин? Утган йилда 15 миллион тўлайдиган солиғимни эдилдикда, яъни ҳозирги янги тизим бўйича ҳисобласам, 67 миллион бўляпти. Фарқни кўряпсизларми?..

Нилуфар Усмонова:

– Агар солиқ тўловчилар қонун доирасида виждонан солиқ тўласа, ҳеч қанақа муаммо бўлмайди.

Шаҳноза Соатова, блогер:

– Ушбу матбуот анжуманида ДСҚ ўз олдига қўйган вазифасини бажара олмаган. Бугунги матбуот анжуманида мақсадли аудитория билан мулоқот, деб бўлмайди. YouTube'да жонли узатув пайти айнан шу соҳилар бошига тушган тадбиркорлар шарҳларда ёзиб қолдирган саволларга жавоб бериш керак. Тадбиркорлар, иқтисодчилар билан мулоқот қилиш керак. Солиқ схемаларини ҳамма журналистлар ҳам тушуниб, зарур саволни бера олмаслиги мумкин. Шунга "асосий масала қилиб..." деб бошланувчи таъналарга ҳам қўшилмайман. Чунки тадбирда асосий масала ҳақида кам гапирилди, тадбиркорларнинг Кодексга киритилган ўзгаришлар тўғрисидаги норозиликларни фокусда турмади, лейтмотив бўлмади. Бошқатдан бошқа мулоқот керак, мақсадли аудитория билан.

Факт ва вазият шундаки, вазирлик, қўмита ва ташкилотлар фаолиятининг очиклиги ва шаффофлиги сари дадил қадам ташланяпти, бу яхши, албатта. Мухими, мулоқот бор, тушуниш кейинроқ рўй бериши керак. Бунинг устига пенсия ёки солиқ соҳасидаги янгиликлар ҳеч қачон ҳеч қайси давлатда осон кечмаган. Солиқ соҳасидаги эътирозли фикрлар ҳам бирдан қизиди. Бунинг нималигини англаган ёки англамаган ҳам фикр билдирмоқда. Муаммоли вазиятлар вужудга келмаслиги учун қўмита бир йил, ё бўлмаса 6 ой олдин аҳолига тушунтириб борганида, бу қадар эътирозлар кўпаймаган бўларди, эҳтимол. Солиқ қўмитаси келтирган мисолларга қарасанг, уларнинг ҳам гапида жон бор. Нима учун чўнтагини ўйлаган "тадбиркор"нинг ёни олиш керак. Ҳалол тадбиркорлар кўпайиши тарафдоримиз.

Хуллас, муаммоли вазият ҳали очик. Қутамиз ва кузатамиз. Юриш яна Солиқ қўмитасидан...

Тоштемир ХУДОЙҚУЛОВ,
"Ўзбекистон овози" муҳбири.

**ИШСИЗЛИК НАФАҚАСИ ҚАНЧА?**

Қонунчиликка кўра, ишсизлик нафақаси 12 ойлик давр ичида кўпи билан 26 ҳафта давомида тўланади.

**Ишсизлик нафақаси миқдори қуйидагича:**

– ишдан ва иш ҳақидан (меҳнат даромадидан) сўнги 12 ойлик давр ичида маҳрум бўлган шахсларга – аввалги иш жойидаги ўртача ойлик иш ҳақининг 50 фоизи миқдорда, лекин меҳнатга ҳақ тўлашнинг энг кам миқдори (МҲЭKM – 822 минг сўм)дан оз бўлмаган миқдорда;

– ишдан ва иш ҳақидан (меҳнат даромадидан) маҳрум бўлган ҳамда узоқ (1 йилдан ортиқ) танаффусдан кейин меҳнат фаолиятини қайта бошлашга ҳаракат қилаётган шахсларга – МҲЭKMнинг 1 баравари миқдорда;

– илгари ишламаган, биринчи марта иш қидираётган шахсларга – МҲЭKMнинг камида 75 фоизи миқдорда.

НУТҚИДА, ЭШИТИШ ВА КЎРИШИДА ОҒИР НУҚСОНЛАР БОР БОЛАЛАР УЧУН БОҒЧА ПУЛИ ТЎЛАНМАЙДИ

Қуйидаги касалликлар мавжуд болалар учун боғча пули тўланмайди:

– нутқидоғи оғир нуқсонлар (ринолалия, дудуқланиш, болалар афазияси, руҳий-нутқий ривожланишда орқада қолиш);

– эшитишдаги оғир нуқсонлар (II – IV даражадаги карлик);

– кўришдаги оғир нуқсонлар (қўзи ожизлар, бир қўзи соқаси йўқлиги (анопталмо), амблиопия ва ғилай бўлган заиф кўради-ганлар);

– таянч-ҳаракатланишидаги нуқсонлар (бош мия, бўйин, кўкрак қафаси, умуртқа, бўғимлар ва оёқлар операцияларининг барча турларидан кейинги ҳолати; бўйин, кўкрак қафаси, умуртқанинг идиопатик деформациялари; кифоз; лордоз; кифосколиоз; оёқ панжалари фалажи; таянч-ҳаракатланиш аъзоси ривожланиши аномалиялари; артрозартритлар; остеохондропатия; хондроневритлар; болалар церебрал фалажи; менингоэнцефалитга чалингандан кейин ҳамда туғруқ асоратларидан кейинги таянч-ҳаракатланиш аъзоларининг барча патологиялари (гемипарез, парипарез, монопарез ва шу турдаги плегиалар); полирадикулоневритлар ва уларнинг асоратлари);

– психик ривожланишда орқада қолиш (аклий орқада қолиш (аклий фаолиятининг орқада қолиши ва аклий заифликнинг энгил даражаси);

– мураккаб нуқсонлар (ривожланишда икки ва ундан ортиқ нуқсонлар мавжудлиги);

– сил касаллигининг илк кўриниши (сил касаллиги билан касалланган бемор билан бир оилдан (хўжалиқдан) бўлиб алоқада бўлганлар, тубвираж), шунингдек сил касаллигидан кейинги тиклаш даври.

ЙЎҚОЛГАН ЁКИ ФойДАЛанишГА ЯРОҚСИЗ ҲОЛАТГА Келиб Қолган ДАРСЛИКЛАР Қандай Тўланади

Қонунчиликка кўра, йўқолган ёки фойдаланишга яроқсиз ҳолатга келиб қолган дарслик ва ўқув методик қўлланмалар ўқувчининг ота-онаси, шунингдек уларнинг ўрнини босувчи шахслар ёки ўқитувчилар томонидан қуйидаги тартибда тўланади:

– дарслик ва ўқув методик қўлланмалар кўринишида;

– бирламчи ҳужжатларда (ҳисоб-фактурада, юк хатида) кўрсатилган қиймат миқдорда;

– биринчи синф ўқувчиларининг ҳар бир дарслик ва ўқув методик қўлланмалари учун – унинг бир баравари миқдорда;

– 2 – 4 синф ўқувчиларининг ҳар бир дарслик ва ўқув методик қўлланмалари учун – унинг икки баравари миқдорда;

– 5 – 9 синф ўқувчиларининг ҳар бир дарслик ва ўқув методик қўлланмалари учун – унинг тўрт баравари миқдорда.

Вакцина олинг, қутуласиз!

19-yanvar, chorshanba, 2022-yil.
№3 (32697)



кунлик касалланиш ҳолатлари чўққига чиққан. Масалан, 15 январда мамлакатда 324 минг кишида COVID-19 инфекцияси аниқланган.

Осиёда эса бошқа қитъаларга нисбатан ҳаммаси ўзгача, бу ерда аҳоли сони ҳам кўп, рақамлар ҳам каттароқ бўлмоқда.

Қитъада Ҳиндистон "етақчилик"ни қўлга олган.

Ҳиндистон пандемия даврида коронавирусни юктириш кўрсаткичлари бўйича жаҳонда иккинчи ўринда. Бу ерда жами касалланганлар сони 37 миллион нафардан ошган. Улардан 486 минг нафари COVID-19 асоратлари туфайли ҳаётдан кўз юмган. Ҳозир ҳам мамлакатда эпидемиологик вазият мураккаб. Маҳаллий шифокорлар аҳолидан ҳеч бўлмаганда бу йил Ганг дарёсида оммавий чўмилиш маросимида иштирок этмаслигини сўраган. Бироқ бу огоҳлантиришларга қарамай, кунига 350 мингдан ортиқ киши ёппасига дарёга тушмоқда.

Карантин чоралари қанчалик кучайтирилмасин, "омикрон" Хитойга ҳам "меҳмон" бўлди. Мамлакатда Қишки Олимпиада мусобақалари бошланишига 18 кун қолганида илк "омикрон" ҳолати рўйхатга олинди.

Японияда эса коронавируснинг ушбу мутациясини юктирган беморлар орасида биринчи ўлим ҳолати қайд этилди.

Маълумотлар "омикрон" чиндан ҳам жуда тез тарқалишини кўрсатмоқда. Лекин бу штаммнинг бошқаларига қараганда енгил кечиши, касалхоналарда ётишга эҳтиёж камлиги ва ўлимга олиб келувчи ҳолатларнинг у қадар кўп эмаслиги ҳам бор гап. Шахсан ўзимда ҳам янги штаммнинг аломатлари кузатилди, яъни икки кун иситма ва бош оғриғидан қийналдим. Ҳозир эса ўзимни аввалгидан ҳам тетик ҳис қиляпман.

Нима бўлганда ҳам хотиржамликни йўқотмайлик ва академик Феликс Ершовнинг тахмини тўғри чиқишига умид қилайлик. Коронавирус номли инсониятнинг "жон дўст" ига айланган бу бало сизларнинг ҳам жонингизга теғмадими?


Аҳмад ҚУРБОНОВ,
"Ўзбекистон ovozi" мухбири.

Кун кеча коронавируснинг янги "омикрон" штамми Ўзбекистонда ҳам аниқланди ва бир неча кунда рекодларни янгилади. Бу эса эндигина коронавирус таҳдидини унутмаётган одамлар учун, шахсан ўзим учун ҳам қутулмаган зарба бўлди. Натижалар кунлик юқори ўсишни кўрсатмоқда. Масалан, янги штамм 7 январда аниқланган ва шу кунга 214 та касалланиш ҳолати қайд этилган бўлса, бу кўрсаткич 16 январда 1037 тага ошгани ҳаммани ваҳимага тушириб қўйди. 17 январда эса бироз пасайиш кузатилди, яъни 935 та касалланиш ҳолати аниқланган.

Шундан сўнг янги штамм ҳақида маълумотларни кўздан кечириб бошладим ва шу фикрлар орасида эътиборимни ўзига кўпроқ тортгани Россия Фанлар академияси академиги Феликс Ершовнинг фикри бўлди. Унинг фикрига кўра, "омикрон" пандемиянинг тугаши учун охириги кучланиш ва сигнал бўлиши мумкин.

"ОМИКРОН" ШТАММИ БИЛАН ЗАРАРЛАНИШ ҲОЛАТЛАРИ КЎПРОҚ 20-39 ЁШДАГИЛАРДА УЧРАМОҚДА.

Ёш гуруҳлари бўйича фоиз тақсими



таъқидлашчи, "омикрон" билан касалланган болалардаги симптомлар катталарникидан фарқ қилади.

Шифокорнинг маълум қилишича, COVID-19 билан касалланган беморларнинг жуда оз қисмида тошмалар бўлган, лекин "омикрон" га чалинган болаларнинг 15 фоизидан фойдаланган тошма пайдо бўлган. Мутахассис ўз хулосасида шундай дейди: "Умид қиламизки, бу штамм "дельта" каби ҳалокатли бўлмайди ва биз бунга дош бера оламиз".

Британиялик олимлар "дельта" штамми билан касалланган ва кейинчалик "омикрон" тахисси қўйилган беморларнинг касаллик аломатларини таҳлил қилишганда, улар ўртасида кескин фарқлар аниқланмаган. Қайд этилишича, коронавируснинг "омикрон" варианты эмланган одамларда кузатилган "дельта"нинг енгил вариантга ўхшайди ва асосан вақтинча олган беморларда эса иштакча йўқолиши ва миёдаги оғирлик ҳам аниқланган.

Мутахассислар янги штамм билан касалланган беморларнинг кўпчилигида бешта аломатни аниқлашган: бош оғриғи, бурун оқиши, аксириш, томоқ оғриғи ва чарчоқ. Баъзи беморларда эса иштакча йўқолиши ва миёдаги оғирлик ҳам аниқланган.

"Коронавирусга нисбатан заррача шубҳа бўлганда ҳам тест топширган маъқул. Бусиз ҳатто тажрибали шифокор ҳам янги штамм аломатларини оддий шомоллашдан ажрата олмайди", дейди ZOE COVID Study лойиҳаси раҳбари, профессор Тим Спектор.

Юқоридаги таҳлил ва натижалар коронавирус аломатлари пайдо бўлиши билан шифокорга мурожаат қилиш, хотиржам яшашимиз учун вакцина олиш ҳар қачонгидан ҳам муҳим эканлигига хулоса қилишга ундайди.

"Омикрон" тарқала бошлаши билан бутун дунёда чекловлар ҳам қайтарилди. Жумладан:

- ✓ Россия расмийлари Африканинг саккиз мамлакатини, шунингдек, Мадагаскар ва Ҳонгконг фуқаролари учун мамлакатга киришни чеклашга қарор қилди.
- ✓ АҚШ, Евроиттифок ва Канада Жанубий Африкадан келувчи хорижликларга киришни тақиқлади.
- ✓ Австралия нафақат Жанубий Африкадан келувчи хорижликларга тақиқ қўйди,

балки икки ҳафтага ўз ҳудудидан ушбу минтақага авиарейсларни ҳам бекор қилди.

- ✓ Япония Жанубий Африкадан келувчилар учун ўн кунлик карантин ва тўрт марта тест топшириш режимини жорий этади.
- ✓ Ҳиндистон ЖАР, Ботсвана, шунингдек, Ҳонгконгдан келувчиларни қатъий назорат қилади.
- ✓ Эрон Жанубий Африканинг олти мамлакатини, жумладан ЖАРдан келувчилар учун тақиқ қўйди.

- ✓ Давлат телевиденияси маълумотида кўра, ушбу ҳудудлардан келувчи эронликлар ковид тестининг иккита манфий натижасини кўрсатиши керак.
- ✓ Бразилия Африканинг олти мамлакатидан киришда чеклов ўрнатди.
- ✓ Канада ЖАР, Намибия, Зимбабве, Ботсвана, Лесото, Эсватини ва Мозамбикда бўлган барча хорижликларнинг мамлакат ҳудудига киришини тақиқлади.
- ✓ Чекловларга қарамадсан, "омикрон" қисқа муддатда деярли бутун ер юзига тарқалди.

- ✓ Унинг шиддат билан тарқалиши натижасида АҚШда минглаб рейслар қолдирилди, Буюк Британия эса Африканинг ўндан ортиқ давлатига тақиқ қўйди ва карантин чекловларини ўрнатди.
- ✓ Масалан, Германияда жамоат жойларида тиббий ниқобсиз юриш тақиқланди.
- ✓ Вакцина олмаган ва "манфий" тест натижаси бўлмаганлар ресторани барлар, театру томошагоҳлар ҳамда фитнес клубларига киришдан маҳрум этилди. Францияда бустер-доза билан эмланиш учун аҳолига етти ой муддат берилди. Чунки ҳозир бу ерда

Мутахассиснинг фикрича, бу вирусларнинг мутация хусусиятига боғлиқ бўлиб, мутант штамми интерферон оқсиллари ёрдамида аввалги инфекцияни ташқарига чиқариб юборади.

"Бундай механизмнинг ишлаш эҳтимоли катта ва унинг ёрдами билан олинган антитаначалар вакциналарга ҳам, касал бўлганларнинг иммунитетини шаклланишига ҳам кўмак беради. Афтидан, табиатнинг ўзи пандемияга барҳам бериш учун шундай имконият яратган", — дейди вирусолог.

Балки коронавирусдан чарчаганим учун ҳам айнан шу фикрга ёпишиб олгандирман, нима бўлганда ҳам хотиржамлик ажиб туйғу-да.

Бу ҳодиса рўй бериш, бермаслигидан қатъи назар, шу фаразнинг ўзи ҳам инсонга сал бўлса ҳам хотиржамлик беради.

Энди янги штамм ҳақидаги бошқа маълумотларни ўрганамиз.

Жанубий Африка Республикаси тиббиёт ассоциацияси раиси, амалиётчи шифокор Анжелик Кутзе коронавируснинг "Омикрон" штаммининг илк ва асосий белгилари ҳақида маълумот берганди.

Унинг сўзларига кўра, ушбу

штамм билан зарарланган беморлар чарчоқ, тушкунлик ва кучли бош оғриғидан шикоят қилганлар. Шу билан бирга, иситма ва томоқ оғриғи ўнлаб инфекцияни юктирганлар орасида фақат бир ёки икки кишида кузатилган. Шунингдек, янги штамм билан касалланганларда қондаги кислород даражаси (сатурация) тушиб кетмаган.

Кутзеннинг кўшимча қилишича, беморларнинг ҳеч бири касалхонага ётқизилмаган.

"Омикрон" штаммининг юктирилган касалхона парвариши ва кислородга муҳтож эмас. Менга ёрдан сўраб мурожаат қилганларнинг тузалиб кетишига 2-3 кун етарли бўлди ва бу вақтни улар ўйда ўтказишди", дейди мутахассис.

Маълум қилинишича, янги штамм билан асосан ёшлар касалланган. Улар орасида олти ёшли бола ҳам бўлган. Шифокор беморларнинг ярмидан кўпи эмланмаганлигини айтган.

Коронавируснинг "омикрон" штамми билан касалланган болаларда "ноодатий" тошма пайдо бўлиши мумкинлиги ҳақида огоҳлантиради британиялик шифокор Дэвид Ллойд. Унинг

COVID-19 НИНГ ЯНГИ "ОМИКРОН" ШТАММИ ҲАҚИДА НИМАЛАР БИЛАМИЗ?



ЭЪЛОН

«ҚҲЙЛИҚ ДЕҲҚОН БОЗОРИ» АЖ АКЦИЈАДОРЛАРИ ДИҚҚАТИГА!

«Қўйлик деҳқон бозори» АЖ Кузатув кенгаши 2022 йил 9 февраль кун соат 12:00да акциядорларнинг навбатдан ташқари умумий йиғилиши ўтказилишини маълум қилади. Умумий йиғилиш жамият маъмурий биносида бўлиб ўтади. Манзил: 100080, Тошкент шаҳри, Бектемир тумани, Фарғона йўли кўчаси, бозор майдони. Эл.почта манзили: info@kuyluk-bozori.uz

Умумий йиғилиш ўтказиш тўғрисида хабардор қилиш учун 2022 йил 18 январь ҳолатига, умумий йиғилишда қатнашиш ҳуқуқига эга акциядорлар реестри 2022 йил 3 февраль ҳолатига тузилган.

- Умумий йиғилиш кун тартиби:
1. Жамият Устав капиталини камайитириш.
 2. Жамиятнинг афилланган шахси билан тузиладиган битимни маъқуллаш.
 3. Жамиятнинг акция чиқариливи тўғрисидаги қарорига ўзгартириш ва қўшимчалар киритиш ҳамда ўзгартиришлар матнини тасдиқлаш.
 4. Жамиятнинг янги тахирдаги Уставини тасдиқлаш.

Акциядорлар умумий йиғилишга шахсини тасдиқловчи ҳужжат билан ёки юридик шахс вакиллари ишончнома билан келишлари шарт. Акциядорларни рўйхатга олиш 2022 йил 9 февраль соат 11:00 дан бошланади. Маълумот учун телефон: (71) 295-94-36.

Тошкент банк ҳисоб-кредит коллежи томонидан 2015 йилда Абдусаматов Жамшид Абдусаматович номига берилган К № 4037950 рақамли диплом йўқолганлиги сабабли **БЕКОР ҚИЛИНАДИ.**

ХОТИРА

Устоз илиқ инсон эди, у кишидан илиқ хотиралар қолди.

19-yanvar, ch №3 (32697)



УНИВЕРСАЛ ИЖОДКОР

Таниқли олим ва зукко публицист Сайди Умировни таниганлар бу инсонни яхши хотиралар билан эслайди. Чунки устоз багрикенг, одамохун, зиёли киши эди.

Сайди домла оддий ўқитувчиликдан кафедра мудир, декан лавозимларигага бўлган синовли довлони босиб ўтди. Устоз ўнлаб бадиий-публицистик китоблар, қатор услубий қўлланмаларнинг муаллифи сифатида китобхонларнинг қалбидан чуқур жой олди.

Сайди Умировнинг дарс ўтиш услуби кўпчилик талабаларга маъқул бўларди. У ҳар бир машғулотни қизиқарли ўтар, талабаларни зериктириб қўймади. Домланинг машғулоти ўтиш маҳорати ўзгача эди. Талабаларга сабоқ бериш баробарида тез-тез долзарб мақола ва очерклар ҳам ёзиб турар эди. Мавзунини ҳам яхши танлай билар, ҳар бир сўз устида қаттиқ ишларди. Машғулоти пайтида яхши, долзарб мақолалар ёзиб турадиган журналистларни ҳам бирма-бир санаб ўтарди. Уларнинг ижодини эринмай таҳлил қиларди.

Ўзбекистонда хизмат кўрсатган ёшлар мураббийси Сайди Умиров универсал ижодкор эди. Домланинг ижодий аудиторияси қамрови кенг бўлиб, деярли қалам тебратмаган мавзуси йўқ эди. Айниқса, спорт соҳасида маҳорат билан, ўзгача бир ҳарорат билан ёзарди. Футбол, шахмат, курашдан ташқари, ижтимоий-сиёсий мавзуларда ҳам баракали ижод қиларди. Хусусан, футболчилар, ҳакамлар, ҳатто дарвозабонларнинг хатти-ҳаракатларига ҳам муносиб баҳо берган ҳолда муносиб шарҳлай оларди.

Домланинг бевосита ташаббуси билан журналистика факультетида таниқли олимлар, ёзувчи-шоирлар, журналистлар билан ижодий учрашувлар, қизгин мушоиралар ўтказиб туриларди. Ижодга чанқоқ талабалар устоз адилларнинг ижод маҳсулидан баҳраманд бўларди. Хуллас, бундай бетакрор лаҳзалар талабаларда унутилмас таассурот қолдирарди.

Домла Чингиз Айтматов, Анатолий Аграновский, Василий Песков, Ануар Олимжонов ва бошқа таниқли ижодкорларнинг публицистик маҳорати хусусида тўлқинланиб гапиришдан чарчамасди. Ўзбекистон халқ ёзувчиси Тоғай Муроднинг ҳамма асарларини ўқиганлигини, унинг ижодида ўзгача муносабат билдириб, адилнинг асарлари миллий менталитетимизга хошлигини

алоҳида таъкидлаб, талабаларга ўқишни тавсия қиларди.

Сайди Умиров Ўзбекистонда хизмат кўрсатган ёшлар мураббийси, доцент Бойбўта Дўстқороев билан худди эгизаклардек яқин эди. Кўпинча икки домла бир-бири билан маслаҳатлашган ҳолда иш тутарди. Сайди домла республикамизнинг деярли барча вилоятларига сафарларга чиқар, саҳифалаб мақолалар ёзар, теша тегмаган мавзуларда ёзишни қотирар эди. Бу кўпчиликка яхшигина сабоқ бўларди.

Домланинг ўнлаб китоблари ўқувчилар мулкига айланди. "Чингиз Айтматов публицист ва мунаққид", "Дорилфунунлар тақдиримда", "Маънавият мулкига саёҳат", "Зиёбахш умр саҳифалари" (Бойбўта Дўстқороев билан ҳаммуаллифликда), "Солланиб оқаётган дарё", "Сехрли ва меҳрли сўз" каби ўнга яқин салмоқли китоблари нашр этилди.

Яқинда "Бодомзор инсест" (лотинча) нашриёти томонидан "Сайди Умиров замондошлари хотирасида" китоб нашрдан чиқди. Салкам 400 бетлик, қалин муқовада чиққан китобда Ўзбекистон Қаҳрамонлари Қувондиқ Санақулов, Иброҳим Ғафуров, академик Бахтиёр Назаров, Олий Мажлис Қонунчилик палатаси депутати Расул Кушербаев, Ўзбекистон халқ ёзувчиси Эркин Аъзам, таниқли ёзувчи ва публицистлар Абдусайд Кўчимов, Аҳмаджон Мелибоев, Шерзодхон Қудратхўжа, Ҳалим Сайид, Абдулла Улуғов, Илмира Раҳматуллаева, шунингдек домланинг ҳамкасблари, шогирдлари, ёру биродарлари, қариндошларининг хотиралари жой олган.

Яқинда Ўзбекистон Миллий матбуот марказида "Сайди Умиров замондошлари хотирасида" китобининг тақдимот маросими бўлиб ўтди. Тадбирда Ўзбекистон Журналистлари ижодий уюшмаси раиси Олимжон Ўсаров, Олий Мажлис Қонунчилик палатаси депутати, ёзувчи Хуршид Дўстмуҳаммад, таниқли журналистлар Азамат Зарипов, Исмат Хушев ва бошқалари сўзга чиқиб Сайди домланинг илмий-ижодий ишлари, эзгу фазилатлари хусусида илиқ фикрлар билдиришди. Устоз илиқ инсон эди, у кишидан илиқ хотиралар қолди.

Азамат СУЮНОВ,
Ўзбекистон Ёзувчилар уюшмаси аъзоси.

ҚИШКИ ОЛИМПИАДА
ЎЙИНЛАРИ ЧИПТАЛАРИ
ФАҚАТ МАҲАЛЛИЙ АҲОЛИ
УЧУН СОТИЛАДИ



Пекинда 2022 Қишки олимпия ва паралимпия ўйинлари чипталари COVID-19 хавотирлари сабаб чекланган миқдорда сотилади.

Бу ҳақда ўйинларни ўтказиш ташкилий қўмитаси Халқаро олимпия қўмитасига йўллаган ахборотда таъкидлаган.

Хабарда айтилишича, жорий йилнинг 4 февралда тантанали очилиши кутилаётган Қишки олимпия ўйинларининг чипталари маҳаллий ишқибозлар учун сотувга чиқарилади.

Бу томошабинлар мослаштирилган дастурнинг бир қисми сифатида ўйинларда қатнашишга ружат берилди, деган маънони бермоқда.

Ташкилотчилар майдонларга айнан қайси тоифадаги кишилар ва уларнинг миқдори қанча бўлиши масаласида аниқлик киритмаган.

Маълумки, Қишки олимпия ўйинларига чет эллик томошабинлар пандемия сабабли кири-тилмаслиги аллақачон эълон қилинган. Бу ҳолат ўз кучида қолган, дейилади ахборотда.

ХАЛҚАРО ТУРНИРГА ТАЙЁРГАРЛИК
МАШҒУЛОТЛАРИ
БОШЛАНДИ

Юнон-рум кураши бўйича Ўзбекистон терма жамоаси аъзолари учун жорий йилнинг илк ўқув-машғулоти йўналиши Тошкент вилоятининг "Янгиобод" спорт мажмуасида бошланди.

Терма жамоа бош мураббийи Равшан Рўзиқуловнинг билдиришича, ўқув-машғулоти йўналишига асосий таркиб билан бирга ёш курашчилар ҳам таклиф этилган.

Мазкур тайёргарлик машғулоти курашчиларимиз учун жорий йилнинг 24-27 февраль кунлари Истанбулда ўтадиган Яшар Доғу халқаро мусобақасига тайёргарлик вазифасини ўтайди.

Машғулотлар кунига икки маҳалдан олиб борилмоқда.

ЎЗА

Ихтисослаштирилган мактабларда таълим ва тарбия сифатини тубдан ошириш бўйича устувор вазифалар*



Ихтисослашган мактабларда:

- Асосий ўқув дастурлари билан бирга, ўқувчиларнинг қизиқишларидан келиб чиқиб, нафақат фан тўғрисида, балки касбга йўналтирилган амалий машғулотлар ташкил этилади;
- 9 синфга келиб, ўқувчилар камида **1 та** хорижий тил бўйича, миллий ва халқаро сертификат олишлари таъминланади;
- Ўқувчилар халқаро таълим дастурлари асосида замонавий ўқув дарсликлар билан таъминланади;
- Юқори синф ўқувчиларининг бевосита корхоналарда амалиёт ўташи тизими жорий қилинади.



- Янги ўқув йилидан бошлаб, вилоят марказларидан, катта шаҳар ва туманлардан 2 тадан, туман ва шаҳарлардан 1 тадан ихтисослашган мактаблар Халқ таълими вазирлигидан Президент таълим муассасалари агентлигига ўтказилади.
- Ихтисослашган мактаблар фақат Президент таълим муассасалари агентлик тизимида ташкил этилади.
- Ихтисослашган мактабларга раҳбар ва педагог кадрлар танлов асосида қабул қилиниб, уларга устама тўланади.
- Ихтисослашган мактаблар муаллимларини тайёрлаш, малакаси ва педагогик маҳоратини оширишнинг узлуксиз тизими яратилади.

t.me/Press_Secretary_Uz

*17.01.2022 йилдаги мактабларда, айниқса ихтисослаштирилган мактабларда таълим ва тарбия сифатини тубдан ошириш бўйича устувор вазифаларга бағишланган йиғилиш юзасидан

O'zbekiston ovozi

Bosh muharrir: To'liq TO'RAXONOV

Navbatchi: Ravshan SHODIYEV
Sahifalovchi: Bekzod ABDUNAZAROV

МУАССИС:

ТАХРИР ҲАҲАТИ:



O'ZBEKISTON XALQ DEMOKRATIK PARTIYASI MARKAZIY KENGASHI

- Ulug'bek INOYATOV
- Ulug'bek VAFQYEV
- Maqsuda VORISOVA
- Qalandar ABDURAHMONOV
- Guliston ANNAQILICHEVA
- Muslihiiddin MUHIDDINOV
- Hayotxon ORTIQBOYEVA
- Shuhrat ISLOMOV
- Toshtemir XUDOYQULOV

MANZILIMIZ: 100135, Toshkent, Bunyodkor shoh ko'chasi, 50 «A»-uy.

Телефонлар: (71) 276-10-91, (71) 276-20-67.

E-mail: uzbovozi@mail.ru

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi bosmaxonasida chop etildi. Korxonaning manzili: Buyuk Turok ko'chasi, 41-uy. Gazeta ofset usulida, A-2 formatida bosildi. Hajmi — 4 bosma taboq.

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 141. 2010 nusxada bosildi. Nashr ko'rsatkichi — 220. t — Tijorat materiallari

O'za yakuni — 22:20. Topshirilgan vaqti — 23:00.



Газетанинг электрон саҳифасига ўтиш учун QR-кодни телефонингиз орқали сканер қилинг.

1 2 3 4 5 6

Sotuvda kelishilgan narxda